

مستطابق

محل مطبعه راداره :

جفال اوغلنده امنيت
صندوغى جوارنده
شكول يقوشنده
۲۲ نومرو

افطار :

مسلکمه موافق آثار
جدیه مع المنونیه
قبول اولنور
درج ایلمهین آثارعاده اولنماز

دینه ، فلسفه ، علوم ، حقوق ، ادبیات ، تاریخ ، رسالیه ، احوال و شیوه اسلامیه بحث ایررد هفته دره بر نشر اولنور .

آبونه بدلی

صاحب و مؤسسلری :

درسعادته نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرلهدن مقوا بورو ایله کوندربلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	اللی آیللی	غروش	روبله	فرائق
۶۵	۳۵	۳۰۵	۹	
۶۰	۳۰			
۱۷				

عدد : ۱۱۵

۱۵ ذی القعدة پنجشنبه ۴ تشرین ثانی ۳۲۶

بشنجی جلد

مسئوال

قولرایه دأر

آلدیغمز مکتوبلرک برنده دنیبورکه :

ازالهی ایچون طبابتک توصیه ایده جکی تحفظی ، شفائی تدایردن
باشقه یاییله جق برشی یوقدر . اساساً برکویلینک بیله یقیناً بیلمسی
ایجاب ایدن بوبسیط حقیقت ، بزی اوتهدن بری پک چوق آلداندقلری
ایچون ، حالا اولانجه وضوحیله کوزیمزه چارپه میور !

شریعت غرای اسلامیه نك طبابت نه بویوک بر موقع و بردیکنی
همز بیلیورزده صوکره ایکی اوج ریاکارک سوزیله ینه اوشریعتنه
استناد ایدرک الکجلی حقیقتلره قارشی اغماض عین ایدیورز !

حضرت پیغمبر « جناب حق هیچ بر خستهلق ویرمه مشدرکه
دوانسی ده ویرمش اولماسین . او حالده اودوایی آراملیسکمز » بویوریور .
طبابتدن باشقه برشی اولمیان علم ابدانی علم ادیان قدر تقدیر بویوران
پیغمبردن اودوانک دعا کتابلرنده آرانمسی لازم کله جکی کبی بر اشارت
یا خود بر تصریح ایسه اصلاً واقع اولما مشدر .

نه حاجت ! صورت قطعیده تحریم ایتدیکی شرابی حاذق برطیبیک
سوزی اوزرینه تحلیل ایدن ، طبابتی علی العاده صنعتلر درجه سنده
طوتق شویله طورسون ، تحصیل فرض کفایه در ، دین بر دین سماوی
نصل اولورده اطبانک وظیفه سنه مداخله ایدر ؟

اعظم اسلافک ترجمه حائری ، اثرلرینی اوقورکن پک چوقلرینک
طیب اولدقلرینی ، زمانلرنده کی ترقیات طبیه بی تمامیه احاطه ایتمش
بولندقلرینی کورمیورمی یز ؟ حکمای اسلامدن طبابتله اوغراشان
یالکمز ابن سینا ایله ابوبکر رازی دکلدر . پک چوق اکبرامت عقلک ،
نقلک بوسنعت جلیله ویردیکی موقع حرمتی حقیله تقدیر ایدرک
فوق العاده چالشمشلر ، بولندقلری عصره کوره فوق العاده یارارقلر
کوستر مشلدر ،

بر زمانلر طبابتک اوقور یازار فرقه ایچون تحصیلی مجبوری

« بر زمانلر مملکته قولرا کی ، وبا کی مستولی بر خستهلق کلنجه
فداکارلق یاییله رق پاره ایله حافظلر طوتیلیر ، و مملکتک
اطرافی دور ایتدیریلیدی ، بوکون استانبولده ، جوار ولایتلرده
قولرادن ایچه تاغات اولدیفی روایت ایدیلورکن هیچ اویله بر تاشبده
بولنق کیمسه نك عقانه کلور . صراط مستقیم حکومت بواستی ، فقط
دیندارانه اصولی احیا ایتمنی توصیه ده بولنسه بیوک برخیر ایشله مش
اوله جق . . . »

أوت ، بویله براسکی اصول واردی ، لکن هیچ بروقت دیندارانه
دکل ایدی ! حکومت سابقه موقعی تحکیم ایچون ملته صولت ایدن
فلاکتلردن بیله استفاده ایتک ایستردی ، یوقسه ساری خستهلقلره
قارشی نظامات صحیه بی تمامیه تطبیقندن باشقه بر تدبیر اوله مایه جغنی پک
اعلی بیلیدی .

بیلیدرده یوکسک سسله تلاوت ایدیلن بخاریلر خستهلقنی دفع ایتک
ایچون دکل ، ساه دل خلقلک حسیات دینه سنی اوقشایه رق خلوصکار
بر بادشاهه اخلاص جلب ایتک ایچون ایدی . یوقسه بر طرفدن تا
روسیه حدودنده کی قولرانک کولک سندن اورکرک سر اینده الکصیق
تدابیر تحفظیه بی ایفا ایتدیرن ؛ دیگر طرفدن کلخانلر طولوسی کتب
دینه بی جایر جایر یاقدیران آدمک بخاریلره ، صلواة و سلامره ذره
قدراهمیت ویرمیه جکنی آزیجق دوشونلر پک قولای کسیدره بیلیر ایدی .
ایچه بیلملی یزکه کرک منفرد ، کرک ساری نه قدر خستهلق وارسه ،

فنون صیره سنده بولندیغه ایسه مدرسه لریمک اسمی دلالت ایدیور.
هر کسجه معلوم اولان بو حقائقی تکرار دن مقصدیمز
اوقومقله ، اوفله مکله خستهلق مداوانته قالدیشمق ظن ایدلیدی
کبی دیندارانه بر اصول اولدیغنی ، بزم دینمه اصلا بویله برشی صیغما -
یه جقنی سویله مکار .

قرآن کریم خسته لره ، اولولره اوقومق ایچون نازل اولما مشدر .
قرآنده کی شفا ، جهله نک آکلادیغنی کبی دکلدر ! ..

فقره مشهور دریا : اعرا بینک بری اویوزه طوتیلیمش دوه لری
ایچون حضرت علیدن دعا ایسته مش ؛ مشارالیه ده اویوزه قارشنی ائ
مأثور دعالرک قطران قدر مؤثر اوله مایه جقنی سویله مشدر .

حاذق طیب لریمز قولرایه قارشنی ائ نافع بر تدبیر شخصی وارسه
اوده ییه جکه ، ایچه جکه یعنی « حمیه » یه دقتدن عبارتدر ، دییه
باغیروب طور ورکن حالا بر چوغمز - متوکلاً علی الله - پیس بوغازلقدن
کری طور مایور ! طوغریسی توکلی پک ایی اکلما مشز !

الله عشقنه اولسون دین خالص ایله ربانی بر برندن آیره لم ؛ محض
حیات اولان شریعت اسلامییه بی جهالتمزه ، مسکنتمزه ، حماقتمزه بر
حجت کبی ایراد ایدوب طور مایه لم . لب شریعتی کتاب اللهدن ، سیرت
رسولی حدیثدن آله مایه جقه سق کتاب الله ایله ، سنت رسول ایله عامل
اولان حقیقی مسلمانلری پیشوا اتخا ایدلم .

یوقسه دین ایله آره لرنده کی مسافه بعدالمشرقین اولان جهله
جامعه ، یا خود خذله امته اویه جق اوله رسه ق قولرالر ، وبالرحمه زده
عین رحمتدر !

محمد عاکف

دارالخلافة ده معارف ابتدائیه

نک

مالی رصورت اصولی

— ۳ —

الان مطالب اینیسی

بوابده کی بیاناتمی ایکی قسمه تفریق ایله اولا مکاتب رشدیة رسمیه
وثانیاً مکاتب ابتدائیه اوقافیه حقننده بسط مطالعات ایلیه جکم .

مکاتب رشدیة دن بر قاجی مثلاً ایوب ، بکار بکی ، فیضیه رشدیة لری
مستثنا اوله رق متباقیسنک بولندیغنی بنالر واسع وقابل استفاده بر حالده .
درلر . فقط بوزلرده هر سنه جزئی بر مصرف اختیار یله محافظه سی
ممکن ایکن اهمال وعدم دقت نتیجه سی اوله رق خرابه بوز طوتمشدر
بو بنالرک بعضیسنده آقینتیار حاصل اولمش ، کیمنک دیوار وسقف لری
چاتلامش اولدیغندن تعمیر وترمیم اوله رق بوزلردن استفاده قابل ایسه ده
بتون بتون مشرف خراب اولمش اولان بر قاج مکاتب رشدیة ایچونده
مساعده ومکمل بنالر جزئی مصرفله بالسهوله تدارک اوله بیلور . بو
خصوص معارف نظارتجه اصلا داعی مشکلات دکلدر .

مکاتب ابتدائیه اوقافیه کلنجه معلوم اولدیغنی اوزره در سعادته
موجه د بونوع مکاتب اون ایکی مرکز منقسمدر . مراکز مذکور ه نک
حای اولدقلری مکاتبک عددی حد اعظمی اوله رق قرق بر وحد
اصغری اوله رق اون آلتی در . بو مکاتبک کافه سی تاریخ عثمانینک
عظمت وشانه برر تمثال مجسم وشاهد بی مثلدلرلر . بونلرک آره سنده
اویله لری واردر که تاریخ تأسیسی تا زمان مسعدت اقتران حضرت
فاتحه ، قد یوکسه لیور . عثمانی ایمراطورلغنی وجوده کتیرن عثمانلورک
نام وشان علویت نشانی اعلا ایلین رجال دولتک کیم بیلور قاجی بو
مکتبلرده یتشمشدر .

بو بنالرک قیمت تاریخیسی بونلری حال اصلیلرینه وطرز
معماریلرینه خلل کتور مکسزین صیانت وحسن محافظه ایلمک بر
ملتک وظائف مقدسه وطنیه سی ایجاباتندن در . بونلرک بر چوغنی
مشرف خراب اولمش وغیر قابل استفاده بر حاله کلش ایسه ده
طلبه سی استیعا به کافی ویالکیز بر از تعمیر وتوسیع محتاج اولان دیگر
بر چوقلریده روح مات کبی متین وقائم درلر . بونلری علی حاله ترک
ایتمک بوزلردن استفاده چاره سی دوشنامک تاریخ نقطه نظر نجبه
طوغریسی غیر قابل عفو بر خطادر .

بو مکتبلدن نه صورتله استفاده ایدلمک لازمکلیکنی اریمزه بر
تفصیل بیان ایلیه جکمدن شمیدلک بوقدرله اکتفا ایتدم .

نتیجه :

شمیدی بورایه قدر بسط و تمهید ایتمش اولدیغمز ملاحظاتی محضاً تکرار
ایله دیر زکه « استانبول سکنه مسلمه سی بننده معارف عمومیه مرکز تنسیق
واصلاحی ، متین ومکمل اساسلر اوزرینه تأسیسی ایچون اقتضای این بالجه
عناصر ماده ومعنا موجود ایسه ده بو عناصر بر خانه انشاسی ایچون اولجه اولان
ترتیبسز بر صورتده بربری اوزرینه ینیله رق بر کر مه حالی کسب ایتمش
لوازمات انشائیه به مشابه اولوب بولوازمات انشائیه بی براهنک تام ایله
یکدیگرینه مزج ایتک ایچون فصل ماهر بر معماره احتیاج مس ایدر
ایسه عناصر مذکور پی ده اویله جه بر آهنک تسلسل ایله یکدیگرینه
مزج ایدرک استفاده ایده بیامک ایچون فوق العاده بر صمیمیت
جدیه ومهارت وقوف کامله ایله چالیشه جق ارباب حجت لازمدر .

اصول تدریس و هیئت تدریسیه

استانبول مکاتب اسلامییه سنک کافه سنده تعقیب ایدیلن اصول
تعلیم وتدریس همان بوندن ایکی یوز سنه مقدم ممالک غریبه جه تعقیب
اولنان « سقولاستیک » یعنی اصول وقاعده عتیقه دن بشقه برشی دکلدر
اوتاریخدنبری فن تدریس وتربیه جه حیزارای حصول اولان ترقیات
وتکاملدن استانبول مکاتبی بتون بتون بیکانه ومحروم قالمشدر . سقو -
لاستیک اصولنک روح واساسنی قوای بشریه نک کافه سندن قطعاً لظفر
مجرد قوه حافظیه استناد ایتمکدن یعنی بر درس از برلمکدن عبارتدر
ایشته غایت سقیم و چیقمز بریول !! حالبوکه ایکی یوز سنه دنبری
اوروپاده بر چوق داهیل یتشه رک اسقولاستیک اصولنک نه درجه مضر